



Ministarstvo obrazovanja, nauke, kulture i sporta HNK, na osnovu članova 104. i 104a. Zakona o osnovnom odgoju i obrazovanju („Službene novine HNK“, broj: 5/00, 4/04, 5/04, 1/14, 7/16 i 7/22), člana 9. Uputstva o izboru i imenovanju školskih odbora osnovnih i srednjih škola ("Službene novine HNK", broj 2/05, 5/05 i 7/07), člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i Odluke Vlade Hercegovina-neretvanskog kantona broj: 01-1-02-178/23 od 26. 1. 2023. godine, objavljuje

**JAVNI KONKURS  
ZA IZBOR I IMENOVANJE ČLANOVA ŠKOLSKOG ODBORA  
JAVNE USTANOVE OSNOVNA ŠKOLA „ALIJA ISAKOVIĆ“ PROZOR  
IZ REDA OSNIVAČA**

**I  
(Predmet Javnog konkursa)**

Školski odbor Javne ustanove Osnovna škola „Alija Isaković“ Prozor ima devet članova:

- tri člana predstavnika radnika škole
- tri člana predstavnika Vlade Hercegovina-neretvanskog kantona, kao osnivača
- tri člana predstavnika roditelja/staratelja.

Školski odbor imenuje Vlada Hercegovina-neretvanske županije-kantona.

Ovaj Javni konkurs raspisuje se za izbor i imenovanje tri člana Školskog odbora Javne ustanove Osnovna škola „Alija Isaković“ Prozor iz reda osnivača na razdoblje od četiri godine.

**II  
(Opis pozicije)**

Školski odbor kao organ upravljanja je odgovoran za utvrđivanje i provođenje poslovne politike škole, generalno rukovođenje radom škole i djelotvornu upotrebu kadrovske i materijalne resursa škole, te sukladno tome obavlja sljedeće poslove: obavlja izbor radnika škole, raspisuje konkurs za prijem radnika u radni odnos i uspostavlja procedure izbora, odlučuje o zasnivanju i prestanku radnog odnosa na prijedlog direktora, odlučuje o prestanku prava nastavnika i stručnih saradnika na dalji odgojno obrazovni rad, imenuje i razrješava direktora škole, usmjerava, kontroliše i ocjenjuje rad direktora, donosi odluke o broju, organizovanju i ukidanju odjeljenja u osnovnoj školi, razmatra ostvarivanje godišnjeg programa rada i realizacije nastavnog plana i programa, prati i analizira opšti uspjeh učenika i poduzima mjere za poboljšanje i unapređenje uslova rada u školi i nastavi, donosi finansijski plan i usvaja godišnji budžet škole i odlučuje o korištenju finansijskih sredstava škole, usvaja izvještaj o finansijskom poslovanju, razmatra, odlučuje i rješava žalbe i prigovore učenika i roditelja/staratelja učenika, odlučuje o žalbama i prigovorima radnika na rješenje kojim je odlučeno o pravima i obavezama radnika iz radnog odnosa, odlučuje na prijedlog nastavničkog vijeća i direktora o prigovoru nastavnika i stručnih saradnika izjavljenim na njihovu ocjenu o radu, razmatra odluke i preporuke nastavničkog vijeća o poduzetim mjerama, donosi opća akta škole, rješava pitanja odnosa sa osnivačem i Ministarstvom, odgovara osnivaču za rezultate rada osnovne škole, podnosi osnivaču najmanje jednom godišnje izvještaj o poslovanju osnovne škole i obavlja i druge poslove u skladu sa zakonom i pravilima škole.

Obavljanje dužnosti člana Školskog odbora je dobrovoljno i bez naknade.

### **III (Opšti uslovi)**

Svaki kandidat koji se prijavljuje na Javni konkurs mora ispunjavati sljedeće opšte uslove propisane članom 7. stav (1) Zakona o ministarskim, vladinim i drugim imenovanjima Federacije BiH:

- a) da je stariji od 18 godina
- b) da nije otpušten iz državne službe kao rezultat disciplinske mjere na bilo kojoj razini u Bosni i Hercegovini (bilo na razni države ili entiteta) u razdoblju od tri godine prije dana objave upražnjenog položaja,
- c) da se na njega ne odnosi članak IX. 1. Ustava Bosne i Hercegovine
- d) da nije na funkciji u političkoj stranci (član 5. Zakona).
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik Bosne i Hercegovine“, br. 16/02, 14/03, 12/04, 63/08 i 18/12).

### **IV (Posebni uslovi)**

Pored uslova iz tačke III kandidati koji se prijavljuju na javni konkurs moraju ispunjavati i sljedeće posebne uslove:

1. imati najmanje VI stepen stručne spreme ili završen prvi ciklus studija i tri godine radnog iskustva u struci,
2. da nema privatni finansijski interes u JU Osnovnoj školi „Alija Isaković“ Prozor
3. da nije direktor, pomoćnik direktora ili čelnik sindikata u školama Kantona
4. da nije kažnjavan
5. da poznaje nadležnosti i načina rada školskog odbora.

### **V (Dokumentacija)**

Uz prijavu na javni konkurs kandidati su dužni priložiti:

1. biografiju, adresu i kontakt telefon
2. diplomu
3. uvjerenja o državljanstvu ne starije od 6 mjeseci
4. potvrdu o radnom iskustvu u struci izdanu i ovjerenu od poslodavca
5. uvjerenje o nekažnjavanju
6. potpisanu i ovjerenu izjavu kojom kandidat potvrđuje da:
  - da nije otpušten iz državne službe kao rezultat disciplinske mjere na bilo kojoj razini u Bosni i Hercegovini (bilo na razni države ili entiteta) u razdoblju od tri godine prije dana objave upražnjenog položaja
  - da se na njega ne odnosi članak IX. 1. Ustava Bosne i Hercegovine
  - da nije na funkciji u političkoj stranci
  - da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine
  - da nema privatni finansijski interes u JU Osnovnoj školi „Alija Isaković“ Prozor
  - da nije direktor, pomoćnik direktora ili čelnik sindikata u školama Kantona
  - podatke o neposrednim rukovodiocima od kojih se mogu dobiti preporuke i informacije o kandidatu.
7. Potpisan Obrazac za pitanja koja bi mogla dovesti do sukoba interesa u slučaju imenovanja.

Svi dokumenti se prilažu u originalu ili ovjerenj kopiji.  
Dostavljena dokumentacija se ne vraća.

Napomena: Obrazac izjave iz tačke 5. i Obrazac iz tačke 6. mogu se preuzeti na web stranici **monkshnk.gov.ba**.

## **VI (Intervju)**

Svi kandidati koji ispunjavaju uslove Javnog konkursa bit će pozvani na intervju pred Komisijom za provođenje Javnog konkursa koju imenuje Ministarstvo prosvjete, znanosti, kulture i športa Hercegovačko-neretvanskog kantona.

## **VII (Način objave)**

Javni konkurs će biti objavljen u jednom dnevnom listu i „Službenim novinama Federacije Bosne i Hercegovine“.

Javni konkurs ostaje otvoren petnaest (15) dana od dana objavljivanja u „Službenim novinama Federacije BiH“.

Tekst Javnog konkursa je dostupan i na web stranici: **monkshnk.gov.ba**.

## **VIII (Način prijavljivanja)**

Prijave sa traženim dokumentima dostaviti lično ili preporučeno poštom na adresu:

Ministarstvo obrazovanja, nauke, kulture i sporta HNK, ulica Stjepana Radića br. 3 Mostar, sa naznakom „Prijava za javni konkurs za izbor i imenovanje članova Školskog odbora Javne ustanove Osnovna škola „Alije Isakovića“ Prozor.

**Neblagovremene i nepotpune prijave neće se uzimati u razmatranje.**

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi ministru Ministarstva obrazovanja, nauke, kulture i sporta HNK, a kopija se dostavlja Ombudsmenu za ljudska prava Bosne i Hercegovine.

Ur.broj: 02-02-192/23  
Mostar, 7. 2. 2023. godine

**MINISTAR**

***dr. sc. Rašid Hadžović***